

今古真慈設大功三天始遇信忽忽欣榮漸漸通玄妙得一方
知道合同

大定十五年有門人初志常欲往關西參丹陽公師曰何
必遠去他日此處相見然不可慢汝之志作是一絕寄呈
丹陽公到彼展視言泄天機後果東還

山東東路有真修木德爲鄰自免愁一二三連一二九陽光
滿向東流

觀遊歷道衆

道行仙功心上求莫隨波浪逐輪流愛河苦海翻身出一點靈
光達岸舟

道藏輯要

雲光集

三

胃集九
川白上

登州李會首乞孝道頌

天地虛無生育恩出家須認道之根龍吟虎嘯明真秀女姪嬰
嬌惜至尊

贈門人于了一

宿無靈骨謾修仙達本方知道自然緘口忘機絕視聽亘初面
目可周全

楊先生索守道詩

始初守護日精華暗種芝田養瑞芽漸透玄關衝頂過滿空光
結紫金砂

敬三教